

U skladu sa odredbama Zakona o obligacijskim odnosima („Službeni list RBiH“, br. 2/92, 13/93 i „Službene novine Federacije BiH“ br. 13/94 i 42/11), dana 30.08.2018. godine u Sarajevu, z a k l j u č u j e s e

## U G O V O R

### o nabavci, isporuci i ugradnja šumskog i urbanog mobilijara u zaštićenim prirodnim područjima Kantona Sarajevo

I z m e đ u

1. **KANTONALNE JAVNE USTANOVE ZA ZAŠTIĆENA PRIRODNA PODRUČJA**, sa sjedištem u ulici Branilaca Sarajeva br. 28, 71 000 Sarajevo, Identifikacioni broj 4201424050008, PDV broj 201424050008, a koju zastupa i predstavlja direktor mr. sci. Osman Delić, kao Kupac sa jedne strane i
2. **KJP „Sarajevo-šume d.o.o. Sarajevo** sa sjedištem u ulici Maršala Tita brj 7/II, 71 000 Sarajevo, Identifikacioni broj 4200630090001, PDV broj 200630090001, račun broj 1020500000111354 otvoren kod UNION BANKE d.d., a kojeg zastupa i predstavlja direktor mr. sci. Nermin Demirović dipl. ing.šum. kao Prodavac sa druge strane.

## I-PREDMET UGOVORA

### Član 1.

Predmet Ugovora o kupoprodaji (u daljem tekstu: Ugovor) je nabavka, isporuka i ugradnja šumskog i urbanog mobilijara u zaštićenim prirodnim područjima Kantona Sarajevo (drvene klupe sa naslonom, nosiva konstrukcija za informativni pano, putokazi drvene ograde na području Zaštićenog pejzaža „Trebević“, drvene ograde na području Zaštićenog pejzaža „Bijambare“ drveni pješački prelaz (most) ispod vodopada Skakavac i postavljanje drvene ograde na Skakavcu) kao i zamjene drvene konstrukcije mostova na području Spomenika prirode "Vrelo Bosne" a koji se prodaje-kupuje po provedenom konkurentskom zahtjevu i ponudi Prodavca od 25.07.2018. godine.

## II -CIJENA

### Član 2.

Ukupna cijena za nabavljenu, isporučenu i ugrađenu opremu sa popratnim radovima iz člana 1. Ugovora, utvrđuje se u nepromjenjivom fiksnom iznosu od:

Cijena naše ponude bez uračunatog PDV-a je **32.516,05 KM**

Popust koji dajemo na cijenu ponude je **0,00 %**

Cijena naše ponude sa uključenim popustom je **32.516,05 KM**

PDV na cijenu ponude (17%) je **5.527,72 KM**

Ukupna cijena za ugovor je **38.043,77KM**

(tridesetosamhiljadačetrestetri i 77/100 KM)

(slovima)

### **III-MJESTO ISPORUKE ROBE**

#### **Član 3.**

Mjesto isporuke, ugradnje i montaže robe koja je predmet Ugovora su zaštićena prirodna područja Kantona Sarajevo (Spomenik prirode „Skakavac“, Zaštićeni pejzaž „Bijambare“, Zaštićeni pejzaž „Trebević“, Zaštićeni pejzaž „Bentbaša“ i Spomenik prirode „Vrelo Bosne“).

Tačan lokalitet isporuke i ugradnje šumskog mobilijara će se naknadno utvrditi na terenu nakon potpisivanja ugovora.

### **IV - KVALITET ROBE**

#### **Član 4.**

Prodavac se obavezuje da će isporučena i montirana roba iz člana 1. ovog ugovora biti traženog kvaliteta, odnosno odgovarati opisu koji je dat u specifikaciji robe (Prilog br 3).

Kvalitet robe koja je predmet ovog ugovora, kontrolisat će predstavnik Kupca i predstavnik Prodavca u dvije faze i to prije isporuke i ugradnje te nakon njenje ugradnje na terenu.

O obavljenim kontrolama i primopredaji robe sačiniće se Zapisnik o kvantitativnom i kvalitativnom pregledu robe, te Zapisnik o primopredaji iste.

### **V-ROK ISPORUKE I MONTAŽE ROBE**

#### **Član 5.**

Prodavac se obavezuje da će nabavku, isporuku i montažu/ugradnju robe iz člana 1. Ugovora izvršiti u roku od 90 kalendarskih dana nakon obostranog potpisivanja Ugovora.

### **VI- PLAĆANJE ROBE**

#### **Član 6.**

Plaćanje robe iz člana 1. ovog ugovora Kupac će izvršiti u roku od 60 dana nakon sukcesivnih isporuka robe, te po ispostavljanju faktura/računa, shodno članu 12. stav (1) Zakona o finansijskom poslovanju Federacije BiH („Sl. novine Federacije BiH“, broj 48/16).

Kupac će izvršiti plaćanje robe iz člana 1. Ugovora, na žiro račun Prodavca broj: 1020500000111354 otvoren kod UNION BANKE d.d

### **VII – OBAVEZE UGOVORNIH STRANA**

#### **Član 7.**

Prodavac se obavezuje da će:

- nakon potpisivanja ugovora, a prije početka realizacije aktivnosti po ovom ugovoru, sa Kupcem će saglasiti konačan izgled pojedinačnih roba za koje je dato idejno rješenje u prilogu;
- izvršiti nabavku isporuku, ugradnju i montažu šumskog mobilijara u zaštićenim prirodnim područjima Kantona Sarajevo;
- izvršiti zamjenu drvne konstrukcije mostova na području Spomenika prirode „Vrelo Bosne“;

- pridržavati se mjera zaštite propisanih odredbama zakona o proglašenju područja Vrelo Bosne, Skakavca, Bijambara, Trebevića i Bentbaše zaštićenim prirodnim područjima;
- pridržavati se mjera zaštite na radu;
- pridržavati se mjera zaštite od požara;
- oprema mora biti traženog kvaliteta i odgovarati traženom opisu koji je dat u Obrazcu cijene ponude i ostalim priložima TD;
- realizovati poslove u roku od 90 kalendarskih dana od dana zaključivanja ugovora;
- izvršiti zapisničku primopredaju opreme;
- prije primopredaje izvršiti eventualne popravke i korekcije na zahtjev naručioca
- obavljati druge poslove vezano za predmetnu nabavku.

Kupac se obavezuje da će:

- obezbijediti kontakt osobe na terenu tokom realizacije projekta;
- obezbijediti zapisničku primopredaju robe od strane Komisije;
- izvršiti plaćanje.

## **VIII-PRAVO REKLAMACIJE I POPRAVKE**

### **Član 8.**

Kupac će, ukoliko utvrdi da roba nije odgovarajućeg kvaliteta ili nije urađena u skladu sa idejnim rješenjima i uputstvima istu reklamirati u roku od 48 sati od trenutka uočenja nepravilnosti.

### **Član 9.**

Prodavac će Kupcu obezbijediti pravo garancije i popravke robe u garentnom roku od 12 mjeseci.

## **IX – PERIOD TRAJANJA UGOVORA**

### **Član 10.**

Ugovor stupa na snagu danom potpisivanja, a trajat će do proteka garantnog roka.

## **X –UGOVORENA KAZNA**

### **Član 11.**

Za neblagovremeno završavanje ugovorene poslove u roku predviđenom u članu 5. ovog ugovora, nastalo krivicom Prodavca, Kupac će za svaki dan zakašnjenja naplatiti kaznu u visini 0,2% od ugovorene sume, ali ne više od 5% cjelokupne vrijednosti opreme.

## **XI –OSTALE ODREDBE**

### **Član 12.**

Svaka od ugovornih strana može jednostrano raskinuti Ugovor u zakonom propisanim rokovima, zbog ne poštivanja odredbi istog.

### **Član 13.**

Na druge uslove koji nisu regulisani ovim ugovorom, primjenjivat će se odredbe Zakona o obligacijskim odnosima.

#### Član 14.

Prodavac u svrhu izvršenja zaključenog ugovora nema pravo zaposliti lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je Komisija za nabavke angažovala, najmanje 6 (šest) mjeseci po zaključivanju Ugovora, odnosno od početka realizacije Ugovora.

#### Član 15.

Ugovorne strane su saglasne da eventualne sporove po ovom ugovoru rješavaju sporazumno, a ukoliko to nije moguće nadležan je sud u Sarajevu.

#### Član 16.

Sastavni dio Ugovora čine:

- ponuda ponuđača sa specifikacijom robe i
- odluka o izboru najpovoljnijeg ponuđača.

#### Član 17.

Ovaj ugovor je sastavljen u 4 (četiri) istovjetna primjerka, od kojih svaka od ugovornih strana zadržava po 2 (dva) primjerka.

**PRODAVAC**

**KJP „Sarajevo-šume“ d.o.o. Sarajevo**

**Direktor**

mr. sci. Nermin Demirović, dipl. ing šum.



Broj: 2317  
U Sarajevu, 04.09.2018 . godine

**KUPAC**

**KANTONALNA JAVNA USTANOVA  
ZA ZAŠTIĆENA PRIRODNA PODRUČJA**

**Direktor**

mr. sci. Osman Delić



Broj: 07-2-156-11/18  
U Sarajevu, 30.08.2018. godine